



B. 1. 1. 1.





LITANIÆ LAVRETANÆ

Anagrammaticè contextæ.

CORONA

Quoque V. Beatissimæ,
ex S. Scripturæ Elogijs
versu composita.

*Ab Adm: Rñdo. & Doctissimo
Patre,*


QVINTINO DVRETIO

Ord: S. Benedicti, in Gerardimontensi
Vniuersitatè Benedictinâ, Elo-
quentiæ publico Pro-

N. Erkard Camald ^{fessore.} *in Monâ Vigrensi*

Antuerpiæ primùm Impressa,
Nunc secundis curis CRACOVIAE,
In Officina Viduæ & Heredum Francisci Cezary
S. R. M. Typog:

Bien
BJ B. II. 6(a)



ILLVSTRISSIMO ET REVERENDISSIMO
DOMINO,

D. HIERONYMO

S. R. I. PRINCIPI,

In Wisnicz & Iaroslau

Comiti

LVBOMIRSKI,

Abbati Tynecensi, &c.

P*Risca Maiorum Noſtrorum ſtudia,
ꝛ de Orbe terrarum benè merita,
in Italia, Hispania, Gallia, Ger-
mania, paſſim reſtorescunt, Il-
luſtriſſime ꝛ Reuerendiſſime Domine:
quando non vno iam loco, nequè in ijs ſo-
lum, quæ per Noſtros, ſiue propter eoſdem
conditæ ſunt, Academijs, Noſtri publicè
literas proſitentur; verum communi, Rei*

*Christiana bono, Collegia eiusmodi, atque
Vniuersitates, siue ipsi excitant, siue in
gratiam Monachorum fundatas, summâ
auctoritate soli obtinent, ac moderantur.
Præter enim illas, Parisiensem, Ticinen-
sem, Oxoniensem, vetustissimas, à No-
stris olim feliciter erectas Academias;
recentiores Vniuersitates, hoc sæculo, æter-
no Nostrorum meritò gloriâque excitatæ,
fructum ingentem, & antiquo illi (quem
ab inde degustauit Maiorum ætas, &
nunquam satis mirari potest, serâ po-
steritas) haud imparem, Ecclesiæ Dei, ex
Monachorum laboribus, pollicentur.*

*Habent Nostrî in Regno Nauarræ Hi-
raci, in Hispania Oueti, Duaci in Belgio,
Salisburgi & apud Rhintelenses, in Ger-
mania, Almas Vniuersitates, in quibus,
Diuinas atque humanas artes, laudabili
instituto prælegunt: habent multas, in diuer-
sis locis, uti Parisijs, Salmanticæ, Vefonti-
one, & alibi, publica studiorum Collegia,
quæ inter, amplissimum & florentissimum*

Ge-

*Gerardimontense in Flandria est, in quo
iuuentus undiquè confluens, primitiuis ar-
tibus, & Philosophicis Theologicisque sci-
entjiis, exactè informatur. Quod certè
Nostrorum studium, insignem Ordini Vni-
uerso, æstimationem, reparat, conciliatue;
& tali modo, Familia Benedictina anti-
quitate defessa, velut redditâ iuuentute,
videtur reuiuiscere.*

*Cum autem superiori anno, in manus
meas, Doctissimi D. Quintini Duretij,
olim Salisburgi mei contubernalis, nunc
vero Gerardimontensis Professoris, pia
quædam & docta Opuscula, deuenissent;
illorum acumine, & pietate, sæpius le-
gendo oblectatus sum plurimum, & ea pie-
tati alendæ, ingenioquè aliorum forman-
do, percommoda videns, quod pauca essent
exemplaria, quæ plurium manibus uti-
liter versari possent, non leuiter dolui.*

*Iam vero, Miracula Deiparæ Tucho-
uiensis, cum Vestra Illustrissima & Re-
uerendissima Celsitudini non pridem de-*

• *cassem, ceu consequens Elogium, LITANIAS quoque LAVRETANAS, & CORONAM Deiparæ, ab hoc Nostro Duretio argutè elaboratas, (vel pauca, ex multis eius, pijsquè doctisquè Opusculis) statui consecrare. Quod dum præsentim eam submissâ Dedicatione facio, id quoque unice opto ac voueo, ut in Polonia, simili literarum gloria prouocati Nostri, ac præsertim Tynecenses, sub Vestræ Celsitudinis felici regimine positi, aliorum Benedictinorum consimilia opera, factaque illustria, æmulentur.*

Ita sentit, vouetque

Celsitudinis Vestræ

Obseruantissimus & Obedientissimus F. P. Stanislaus Sczygielski, Monachus Tynecensis.

NOs precor exaudi, quotquot te **CHRISTE** roga.
Exorantis enim cerneris esse Deus. (mus. i.)
Te pius exorat : quid non orando reportet,
Vota exorantis si Deus ipse probas ?
Vt mea vota probes, Genitricis gratia mandat,
Exiguus cupio quam celebrare metris.

Pater de cælis Deus.

A N A G R A M M A.

Pares de luce Deitas.

VNde, precor, melius Deitas quam luce refulget ?
Lux Deitatis opus, mansio luxque Dei.
Hâc modò sint igitur Deitatis luce corusca,
Quæ dicta in laudem Virginis esse volo.

Fili Redemptor mundi Deus.

A N A G R A M M A.

Tu reddis pro lumine fidem.

PArsoholes Patri, pie Mundi **CHRISTE** Redemptor.
Quæ nitet aethereo lumine, redde fidem.
Est tua lux fidei : velut auctor luminis extas :
Sic mentem irradiat te tribuente fides.

Spiritus sancte Deus.

A N A G R A M M A.

Vt est, inspiras decus.

SPiritus alme Deus, nostri decus ipse misertus
Inspiras, verum quod liquet esse decus.

Nam

*Nam velut est in se decus immortale suades ;
Hoc unum decus est, quod quis amare potest.*

Sancta Trinitas vnus Deus.

A N A G R A M M A.

Nutu satis dans increatus.

O Deus, ex nihilo nutu qui cuncta creasti,
Dansq; satis nutu munera promptus habes ;
*Virginis inuerso dum nomine concino laudes,
Carmina fac nutu sint fabricata tuo.
Omnia nos tecum ; sine te nil posse fatemur :
Cernius auxilium quero proinde tuum.*

Miserere nobis.

A N A G R A M M A.

Eris Orbi semen.

Tu nobis miserere Deus, criménque remitte,
Gloria quâ veniat, gratia semen erit.

Sancta Maria.

A N A G R A M M A.

Amantis arca.

Sancta MARIA Dei Genitrix, dum diceris Arca,
Conueniens meritis est anagramma tuis.
*Mysticus est sensus, quo fœderis Arca vocaris ;
Non alio Noë cerneris Arca modo.*

- *Arca sed ingenui dum dicta es Mater Amantis,
Fit tuus hoc titulo sat manifestus amor.
Arca tuos veluti nam tu custodis amantes;
Quique tui extat amans, ille perire nequit,
O Marianus amor, verè sincerus Amanti!
Hoc mihi quis tribuat semper amore frui?*

Sancta Dei genitrix.

A N A G R A M M A.

Excitans digna erit.

EXcitat humano quaecumque in pectore Virgo,
Omnia supremo sunt ea digna bono.
Eia age Virgo Parens, tuus in me suscitet ardor
Digna, quibus possim gratior esse Deo.

Sancta Virgo Virginum.

A N A G R A M M A.

Tu nunc agis mira vigor.

Virgo Vigor dicenda tuâ es virtute MARIA:
Mira sed in cunctis nunc agit iste vigor.
Per te Virginitas toto dominatur in Orbe,
Quæ prius extremo vix bene nota fuit.
Per te coniugij spreuere cubilia Reges,
Spretus & a multis est Hymeneus amor.
Per te millenæ subierunt fata puellæ,
Corporis illarum nè raperetur honor.

Exem.

*Exemplis edocta tuis Catharina triumphat,
Martyrij palmam Virginitate ferens,
Cecilia, Agnetis, Priscæ, Praxedis, Asella
Sunt, Virgo, exemplis debita ferta tuis.
Tu Virgo vigor atque chori Regina pudici,
Es merito tali nomine digna coli.
Sic te Virgo colam, tua sic vestigia seruem;
Iungar virgineo, te mediante, choro.*

Mater Christi.

A N A G R A M M A.

Micat terris.

O *Quanto radiat Virgo splendore MARIA!
Emicat in terris, emicat inq. polis.
Emicat, atque suo noctem fulgore serenat,
Emicat, & rutilos efficit ipsa dies.
Quid mirum est? Stella est, nec non Aurora MARIA,
Sol velut electa est, Lunaque pulchra nitet.*

Mater Diuinæ gratiæ.

A N A G R A M M A.

E Maria regnat Dei vita.

I *Mpie sacrileg. i Mariani spretor honoris
Voce quid effutis? Non est, ais, ipsa Tonantis
Virgo Parens, vite proprio que munera Nato
Contulit; hec hominem tantum genuisse probatur:
Nam Deus antè fuit, Matris quam clausus in aluo*

Filius iste foret. Stulte ô deliria mentis !
Si Deus antè fuit CHRISTVS, num desijt esse.
Talis, vt ex caste Genitricis prodijt alio?
Pluribus haud liceat cui non rationibus uti,
Hoc anagramma legat Mater que gratie habetur.
Diuina, simul hinc vitam tribuisse Tonanti
Noscitur; huius enim tituli, si grammata veritas,
Ecce Dei regnat de Virgine vita Mariâ.

Mater purissima.
A N A G R A M M A.
Summa parit reis.

Summa parit pia Virgo reis enixa Tonantem ;
Virginis est partu gratia facta reis.
Laus igitur pariter sit reddita summa MARIÆ,
Quelibet inferior non erit apta satis.

Mater castissima.
A N A G R A M M A.
Mittam escas aris.

Nos pia Virgo parens sacras inuitat ad aras,
Spondet & Angelici fercula sancta tibi.
Sic ait illa : Aris escas pro munere mittam,
Hæc, dapes Nati corpore prompta dabo.
Qui cupit ergo epulas, CHRISTI quas mensa ministrat.
Virginis, imploret, quâ satiatur, opem.

Ma-

Mater inuiolata.

A N A G R A M M A.

En tali vitâ amor.

C Ede puer procul hinc Paphy's armate sagittis,
Quæ, paræ pharetris tela recunde tuis.

Nolo Dionæa mihi stringi corda sagittæ;

Me Matris melior Virgineis orit amor.

En tali præcedit amor de Virgine purus,

Puræ velut vitæ est, purus habetur amor:

Aspicio lectos nunc seu frontis honores:

Frons amor est oculos possidet unus amor.

Emicat in geminis amor hinc, atque inde labellis,

Pectoris in medio prædominatur amor.

Virgineis stat amor manibus, gressumq; gubernans

Est amor: in cunctis gestibus extat amor.

O amor! ô Virgo tali dignissima vitâ!

Ex qua non unus regnat, at omnis amor.

Mater intemerata.

A N A G R A M M A.

Itâne terram amet?

S iccine Mater amet Virgo sanctissima terram?
Quæ desiderio de super ista volat.

In Cælos pia Virgo magis defertur amore;

Huic igitur tellus quæ ratione placet?

Sed non terra placet, tantum placet incola terræ:

Est hominum Virgo namq; salutis amans.

*Diligit illa homines, Natique imitatur amorem?
Magnus amor Matris, magnus amorq. Dei est.
Et nos tantus amor necdum Matrisque, Deique
Excitat, & nondum cœli a flamma cremat?
Frigidius Pario nobis est marmore pectus,
Illi si duplici non sit ab igne calor.
Ab cal. at. s. d. CHRISTE tuo mihi pectus ab igne,
Atque MARIA tuo pectus ab igne flagret,*

Mater amabilis.
A N A G R A M M A.
Amat mirabiles.

I*N re quam peragit quisquis mirabilis extat,
Virginis & Matris dignus amore venit.
Non tamen hic numeres, agitur quod Dæmonis arte;
Hoc etenim mirum quis nisi stultus habet?
Sola facit meritò quod sit, mirabile virtus,
Cætera non tanto nomine digna reor.
Turba beatorum Mirabilis extitit olim,
Illorum veluti plurima facta probant.
Cara proinde fuit Superùm donata favore,
i. d. g. m. c. a. g. manu cœlica dona tulit.
Si minus ipsi queam factus mirabilis esse,
Virgo, favore fruar non minùs inde tuo.*

Mater admirabilis.
A N A G R A M M A.
Mira ardebit malis.

VT pia Virgo bonis ardens solatia prebet,
Vi potè quos vero Mater amore fouet.
Ardebit sic mira malis, quos sanguine Nati
Conspiciet spreto, mortis inire viam.
Virgo MARIA malis noli exardescere nostris,
Nos pudet, & sceleris pœnitet esse reos.

Mater Creatoris.

A N A G R A M M A.

Ritè certas amor.

Quam bene certat amor, peragit quam ritè duellū!
Bella facit bellus prælia semper amor.
Rite velut certat, pariter sic ritè triumphat;
Fortior arma etenim nullus amore gerit.
Omnia vincit amor. Quis non concedat amori,
Præcipuè fuerit si Marianus amor?
Ipsa Creatoris, nobis est Mater amoris:
Nostræque, Virgo, tuus pectora vincit amor.
Prælia ritè facis, certas animòque virili:
Tèque triumphantem laurea ritè facit.

Mater Saluatoris.

A N A G R A M M A.

Salutaris à morte.

Virgo salutaris non raro à morte probatur:
Illa etenim multos eripit amne stygis.
Heu! moriar, certum est; sed quidnam à morte seque-
Incertum; mihi sis Virgo proinde salus. (tur.
Esto

*Esto salutaris; quam spero à morte salutem
Accipiam meritis, Mater amanda, tuis.*

Virgo prudentissima.
A N A G R A M M A.
Prudentis virga Mofi.

CLara portentis fuit illa multis
Virgine, quæ fluctus reuebens aquarum
Cum suis Regem Pharium quadrigis
Obruit undis.

Virga prudentis fuit atque Mofi.
Quæ, sitim turbæ patiente, lymphas
Eruit petrâ, simul & Dracones
Morte petemiti.

Talis est Virgo Genitrix MARIA,
Virga quæ Mofi meritò vocatur:
Illa nam magnos stygij Draconis
Comprimiit ausus.

Saxeolymphas hominumque corde
Exprimit, fletus, lacrymasque donans,
Quas suo Mundus vehit atque motu
Dissipat undas.

Virgo veneranda.
A N A G R A M M A.
Vna erudio regna.

PEr me, inquit Virgo, sua gestant sceptrâ Monarchæ:
Et satis erudio quæ pia regna volo.

Non

*Non bene regnabit, qui non à Virgine doctus
Contemnet summi iussa tenenda Dei.
Nec sine praesidio florebunt regna MARIE:
Erudit illa velut, sic quoque regna fouet.*

Virgo praedicanda.
A N A G R A M M A.
O pura Regi dicanda!

O *Quàm pura nites, Regi quæ sponsa supremo
Ad sacrum properas Virgo dicanda thorum!
Non macula est in te, sed candida tota refulges,
Ut q₃ Deo similis iungeris una Deo.*

Virgo potens.
A N A G R A M M A.
Sinu protego.

Virgo MARIA potens nullis nos protegit armis,
Sed tantum proprio protegit illa sinu.
Parvulus inq₃ sinu Matris dum ludit IESVS
Protegit adiuncta cum genitrice Deus.
Sic humiles famulos nos protege Virgo, precamur,
Inq₃ sinu facias Matris habere locum.

Virgo clemens.
A N A G R A M M A.
Lucem resigno.

Lucida tota licet niteat virtute MARIA;
Quidquid habet, munus nouit id esse Dei.
Omne proinde bonum Nato lucemq; resignat,
In mare sic fluuij tota recurrit aqua.

Virgo fidelis.

A N A G R A M M A.

Is fulgor diei.

Stella non tantum radias MARIA,
Luna nocturnos agis aut iugales;
Fulgor at lumen tribuis diei,

Solis ad instar

Fulgor is clari radians diei,
Virgo quæ mentes hominum fidelis
Criminum cunctas remouens tenebras,
Luce serenans.

Sic precor nostro scelerum, beata
Virgo, detergens animo tenebras,
Quæ tuus vibrat pietatis ardor,
Lumina prebe.

Speculum Iustitiæ.

A N A G R A M M A.

Pietatis luce visum.

Aspicis ut speculum speciosâ luce coruscet,
Assimilet vultus ut sine labe tuos.
Virgo Parens speculum est, quo non perfectius ullum:
Omnis in hoc species splendet & omne decus.

Quis-

*Quisquis aides, similem vis illi fingere formam,
Semper & intacto mentis honore frui?
Aspicias speculum pietatis luce MARIE;
Non aliter visum proderit esse tibi.*

Sedes Sapientiæ.

A N A G R A M M A.

Sanè es Dei pietas.

Virgo Dei pietas, pietatis viscera pande,
Afflictosque vide quos premit ira Dei.
Per te Belgiacis Mauors propulsus ab agris
Efferus in Scythicas deferat arma plagas.
Expectata diu, veniat pax aurea cælo,
Et tua sit pietas cum pietate Dei.

Causa nostræ lætitiæ.

A N A G R A M M A.

Ter io, sancta est alia Eua.

I Funesta Parens natorum prodiga vita,
Egredere Elysus Eua nouerca iugis.
Per te laxata est inferni ianua Ditis:
Per te mors homines sub ditione tenet.
Per te sanguineo sauit discordia bello:
Per te morborum pullulat omne genus.
Altera iam CHRISTI Genitrix ignara mariti,
Viuiorum est meritò constituenda Parens.
Dicite io, ter io Mortales dicite cuncti:
Altera nam sancta est Eua Parensq; Dei.

*In risum lacrymas, in fletum gaudia vertit,
Et soluit trepido pectora nostra metu.
Eua tulit mortem, sed Aue dum nomina vertit
Angelus, est uita facta MARIA Parens.*

Vas spirituale.
A N A G R A M M A.
Leuat suspiria.

MARIA Mater gratia,
Diva Parens clementia,
Virgo leuat suspiria,
Perfecta donans gaudia,
Quicumque tristis angitur,
Mignoque luctu tangitur,
Matrem Dei gementium
Querat lenamen cordium.
In maximis doloribus,
Feruens precationibus,
Dicat cliens pijsimè,
Oransque deuotissime:
Virgo Parens mortalium,
Adfer mihi solatium,
Qua fundo maestus anxia,
Mater leua suspiria.
Per te recedant nubila,
Adsintq; mentis iubila,
Me recreet suauitas,
Serenet & tranquillitas.
Ut me grauant terrestria,
Sic me inuent caelestia,

*In cœlica nam curia
Sunt vera tantùm gaudia.*

Vas honorabile.

A N A G R A M M A.

En arbor oliua.

Que fuit armigera quondam, sacra Minervæ,
Semper habet vernas arbor oliua comas,
Vultores etiam florens præcingit oliua ;
Arbor & hec pacis symbola certa gerit.
Quæ fuit ex arca primùm digressa Noëmi,
Sic oleæ ramos alba columba tulit.
Floribus, & nimis est nobilis arbor oliua,
Vtilis & varijs vñsibus illa venit.
Diuerſis oleo morbus medicina paratur,
Et sunt ſapidi ſæpiùs inde cibi,
Quàm bene conueniens eſt arbor oliua **MARIÆ!**
Clarius eſt, dictum quàm queat eſſe metris.
Perpetui Virgo floret dum laude pudoris,
Sicut oliua omni tempore verna viget.
Et ſua qui referunt obtenta trophea **MARIÆ,**
Exornant Alex frondis honore caput.
Quam ſit pacis amans Virgo, quàmq; utilis Orbi,
Res loquitur Muſa nōne tacente ſatis?
Ergo tuus liceat Virgo decerpere fructus,
Quos veluti florens arbor oliua parit.

Vas insigne deuotionis.

A N A G R A M M A.

Suauiſ eſt dono ingenij.

SVauiamella ſuis quæ fundit Hymettia cellis,
Dinitias veris dum populatur apis.
Suaue ſapit vinum, ſuauiſ quoque lacteus humor;
Suaui ſtauculis Perſica mala comis.
Amplius eſt multò virtute MARIA ſuauiſ,
Et dono ingenij ſuauior ipſa ſui.

Rofa Myſtica.

A N A G R A M M A.

Iſta, ros amici.

ROs velut in vellus CHRISTVS deſcendit in alui
Virginis, eſt hominum dum reparata ſalus.
Eſt pariter Virgo ſic roris ad inſtar, amico;
Myſtica dumq; roſa eſt, ros quoque fundit aquas.

Turris Dauidica.

A N A G R A M M A.

Ars diua dicitur.

SI quisquam Solymæ magnâ peregrinus in vrbe
Forſitan ignotum denius ibat iter,
Quod Pharos eſt nautis, erat huic Dauidica turris;
Index turris erat conſpicienda via.

Sic

*Sic ubi quis vasto peregrinus deniat Orbe,
Virginis aspectus figat in ora suos.
Est etenim pia Virgo Parens Dauidica turris,
Semita aemonstrat quæ capienda poli.
Ars ea Diua etiam meritò Dauidica turris:
Dicitur; arte Dei nam fabricata fuit.*

Turris eburnea.

A N A G R A M M A

Tūne rubra eris?

*A*lbalicet Virgo videatur eburnea turris,
Canada virginea symbola mentis habens.
Attamen & Diui flammæ cum gestet amoris,
Rul ri cum nireo mixta coloris erit.
Mixtio grata Deo, castæ quæ lilia mentis
Abdita amor rubens efficit esse rosas.

Domus aurea.

A N A G R A M M A

Sum aura Deo.

*E*xultant Satyri, virides gaudetq; Napææ,
Tempore dum verno mollior aura fauet.
Sic Deus exultans concepit gaudia CHRISTVS,
Virginæ exurgens dum fuit aura sinus.
Illa fuit verna multò iucundior aura,
Qualis in Elysio nec fuit ulla solo.

Fœderis arca.
A N A G R A M M A.
Sacra Dei fero.

BEzeleelis opus sanctissima fœderis Arca,
Ex ligno Sethim facta decenter erat.
Intus & externis puro radiabat in auro,
Eius & ex auro facta corona fuit.
Virgo MARIA Dum clausâ dum protulit aluo,
Sacra Dei portans fœderis arca fuit.
Aurea Virgo domus fuit, aurea fœderis arca;
Hanc bene si spectes, aurea tota fuit.

Ianua cœli.
A N A G R A M M A.
Ei vnica ala.

Pernici volucris quæ fertur in æthera cursu,
Alarum duplici remige carpit iter.
Vnica quâ melius cœlum sed scanditur, ala est
Diuus amor : Virgo sic super astra volat.
Altius & penetrans quamuis sit proxima Nato,
Illa tamen cœli Ianua Virgo manet.
Vtpotè nullus adit radiantia pegmata cœli,
Qui prius haud fuerit Virginis huius amans.

Stella matutina.
A N A G R A M M A.
Astat, lumen alit.

Mundani varijs agitata mente procellis
Qui maris expositus magna pericula subit ;
Aspiciat Stellam : veluti Cynosura **MARIA**
Astat, subsidij ferre parata iubar.
Stella **MARIA** maris miseris succurrere docta
Lumen alit : tantum lumine discere frui.

Salus infirmorum.
A N A G R A M M A.
Nisu flammis vrer.

Quis iacet infirmus, cuius non Virgo miserta
Vritur, & flammis aestuat illa pijs ?
Feruidior Paulo, nisu, studioque medendi
Proscit, & medicâ doctior arte valet,
Sapè quibus Chiron nequijt prestare medelam,
Et quibus Hippocrates non tulit ullus opem :
Virginis auxilio febres vicisse malignas
Cernimus, & quoduis exsuperasse malum.
Cum febris ergo tuos nimium depascitur artus,
Feruida & ignitus pectora cancer edit :
Dirus hydrops inflatus aquis vel viscera rumpit :
Insicit aut pestis languida membra lues :
Et latus & renes morbo tentantur acuto,
Aut secat infirmos seuæ podagra pedes :
Vel grauior figit morbus tua corpora lecto,
Proxima vel tetra fax tibi mortis adest ;
Virginis, atque Dei genitricis supplice voto
Ocyùs implora qua reueris, opem.

Refugium peccatorum.

A N A G R A M M A

Egemitu fac cor purum.

A H! quibus, ah! quantis lacrymis & planctibus utar,
Vt plorem vite crimina cuncta mee!
Ipse licet superem morituri carmen oloris,
Non sat olorum flebile carmen erit,
Seu vincam Philomela tuos gemitusque modosque;
Sive tuos Furtur, sive Columba tuos:
Non satis exacta desleuero crimina vita,
Ah! nimium multis quæ fuit acta malis.
Nil nisi flere iuuat, fient mihi lumina fontes,
Ipse cibus gemitus, lacryma potus erit.
Egemitu fac Virgo meum cor supplico purum;
Cernere namque Deum mens nisi pura nequit.

Consolatrix afflictorum.

A N A G R A M M A

Altrix lac format confiso.

Immensi dilecta Parens Altrixq; Tonantis,
Cui licuit summo ferre alimenta Deo.
Nectareis prolemq; tuam pauisse fluentis
Angelicumq; sacro rore cibare, cibum.
Virgineo prædulce Tibi lac ubere manat,
Quod nati format casta labella tui.
A nuca matris qui dum cernice pependit
Aut dum purpureo luserat ipse sinu.

*Delicias fuisse meras, mera balfama visus,
Punicis fixit basia mille labris.*

*Dulcia non soli præbes tamen Vbera Nato
Orbis ab uberibus pascitur usq; tuis.*

*Teq; piam Matrem, natorum turba coronat
Cui de te niueo viuere rore licet.*

*Me quoq; dura fames, arido de corde, fatigat,
Dum patior rigidi tedia longa mali.*

*Tot lacrymas inter, totq; inter seu a gementi
Afflicti cordis vulnera, Virgo faue.*

*In te confilio Matris solatia præbens,
Tu mihi letitia lactea vena flues.*

Auxilium Christianorum.

A N A G R A M M A.

Lux Christi, via animorum.

Est via lux CHRISTI mentes ad fidem ducens,
Quaq; patent rutili regna beatapoli.

Non ita Tyndarida fulgentia sidera nautas

Per mare dum tendunt carbasa luce iuuant.

Est via lux CHRISTI meritò dicenda MARIA :

Eius enim cæli gratia pandit iter.

Qui tenet hanc lucem scelerum caligine pulsâ,

Cælica directo tramite regna subit.

Lux igitur pia Virgo animi sic dirige gressus,

Lucidus ut certâ tendat ad astra viâ.

Regina Angelorum.

A N A G R A M M A.

En regnum à gloria.

Non bene qui regnat, decoret nisi gloria regnum,
 Gloriam qua vana est manifesta modum.
 Sunt quibus magna est gloria parva triumphis;
 Ex opibus multis gloria vana fuit.
 Huius melius bellum, haec cedet gloria pace,
 Pluribus atque habita provenit arte decus.
 Vera sed exornans ut aciem gloria regnum,
 Virtutum studiis illa petenda venit.
 Tunc condecorat Marianum gloria regnum:
 Caelum non aliter gloria namque datur.

Regina Patriarcharum,
 A N A G R A M M A.
 Primaria curat regna.

Regno quibus colitur Virgo primaria curat,
 Extat de reliquis sollicitudo minor.
 Imperium curat studio feriente Quirinum,
 Curat & Hispano duret in Orbe rigor.
 Sat quoque Virginea sunt Francica lilia curæ,
 Curat & Hungarico subdita regna Duci.
 Belgica nec tellus est ultima cura MARIE;
 In Belgas etiam Virgineus ardet amor.
 Usque suam quamvis Maiors huius explicet iram;
 Lenior ira tamen Virgineus extat ope.
 Iam pridem Hæretico Pallas coniuncta furori
 Merisset stygio Belgica regna vado,
 Si pia Virgo manum non implorata dedisset,
 Eius & in Belgas non viguisset amor.
 Perge, rogo, afflicta Virgo succurrere Belgis,
 In nos atque tuus continuetur amor.

Re-

n,
Regina Prophetarum.

A N A G R A M M A.

Pignore pura Mater.

Est veluti pignus soboles concessa parenti;
Sed maculam tali ignore sine. haur.
Gloria Virginei macula est amissa pudori,
Virgini & Mater non simul extat honor.
Sola Deigenitrix M. ce, Virgoque remansit,
Et genitrix Mater in quibus una fuit.
Non sobolu partu damnum tulit illa pudori;
Sed fuit intacta Virginitate Parens
Non caput hoc atr. x. Mariani nominis hostis,
Propterea id vero perfidus ore negat.
Hic impurus enim pura non Materis amore
Ducitur, ac sordes diligit ille magis.
Sordidus est totus, nil puri in pect. re gestat:
Hic animo jactans Hircus ut alter olet.
Catholicus contra purus, paratq; Parentis
Viscera qua credit dui. fidelis amat.
Sic amo, sic credo, mihi Virgo Materis habetis:
Te precor & puro sit mihi purus amor.

Regina Apostolorum.

A N A G R A M M A.

Virgo planto amores.

Hortulus est animus, quem Virginis atq; Tenantis
Prouida cœlest. cura fauore colit.
Inserit hic varios CHRIS. S. cum germine flores,
Inserit & pulchris lilia mixta rosis.

*Lilia Virginei sunt symbola certa pudoris;
 Atque rose similis diuus habetur amor.
 Qualibet est virtus animi flos nobilis horti :
 Altera non isto germina cernis agro.
 Virgo proinde suos quando considerat hortos,
 Perpenditq; animis qualia dona parit.
 Mater amoris ego planto sic, inquit, amores;
 Exq; meo prodit semine castus amor.
 Si sit amor cordi, virtus tunc cernitur omnis ;
 Nulla sed est virtus, si procul absit amor.
 In me Virgo tuos planta, tibi supplico, amores;
 Tunc hortus Superis mens mea gratus erit.*

Regina Martyrum.
A N A G R A M M A.
In ara mirum gerit.

L *Ege puerperij sacris dum constitit aris,
 Obtulit & Natum Virgo MARIA Deo :
 Nonne satis visum est quod mirum gesfit in ara ?
 Numen erat mirum quod foret iste puer.*

Regina Confessorum.
A N A G R A M M A.
Vigens fers coronam.

T *V Regina vigens merito fers Virgo coronam :
 Et tua quæ gestas florida sceptra vigent.
 Es nam Virgo vigor, nullo violabilis auro :
 Sunt quoque Regina debita fecta tibi.*

Regina Virginum.

A N A G R A M M A.

Ingenium irriga.

A Nimum clientis irriga ingenium, precor ;
Est namq; sterilis quisquis est Virgo tuâ
Opæ destitutus. Vivat ingenuus licet,
Nil facere cælo quispiam dignum potest,
Nisi Mariana teneat auxilium manus.

Regina Sanctorum omnium.

A N A G R A M M A.

Vt geram Numinis coronam.

Virgo præest cunctis quando Regina Beatiss,
Proximior nullus cernitur esse Deo.
Numinis inde gerit redimitâ fronte coronam,
Celsior Angelicis Diva locata choris.
Exsuperans omnes minor vno Numine regnat :
Cum Nato imperium Virgo, Parensq; gerit.
Virginis vt titulos Anagramma inuertit honoris,
Instituit modico carmine Musa preces.

Ora pro nobis.

A N A G R A M M A.

I, probos orna.

O Ra pro nobis, humiles te Virgo rogamus,
Atque probos orna quâ pietate decet.


Agnus

*Agnus & ipse Dei, tollis qui crimina Mundi,
Parce precor, quidquid mens scelerata facit.
Agnus & ipse Dei, tollis qui crimina Mundi,
Exaudi facili quesumus aure preces.
Agnus & ipse Dei, tollis qui crimina Mundi,
Indulgens nostris sic misereere malis.*

ORATIO.

Corporis atque animi fac nos gaudere salute,
Virginis intuitu nos Deum atque iuua.
Tristitiam remoue, prasens quâ vita laborat,
Æterna vita lætitiâque feras.





ROSARIUM

Sine

CORONA

Sanctissimæ Deiparæ Virginis

MARIÆ,

Ex S. Scripturæ Elogijs

Versu Composita

A R. P. Quintino Duretio Ord: S.

Benedicti.

Rosarium sanctæ Virginis Mariæ.

A N A G R A M M A.

Vera arma sinceri amoris tui signa.

Sinceri vis signa tui, *mi Lector*, amoris
Pandere, quo Sanctos diligis atque Deum?
Vera quibus pariter stygios ruiturus in hostes
Bella pugil facias strenuus, arma cupis?
Virginis in laudem roseo de nomine dicta
Tractanda est animo sæpè corona tuo.
Versibus illa tibi nostri datur arte Magistri,
Scriptura ex varijs facta corona locis.

C

Hanc

*Hanc capē quisquis amat Superos, & Demona gestis
Vincere, vera tuus sic amor arma geret.*

Pater noster.

- G**loria Virginei cœtus salueto MARIA,
Virgo Parens fieri digna Tonant s, Aue.
Præsidium, tutela, salus, pietatis asylum,
Quæ cœlos aperis porta salutis, Aue.
Gen. 2. In medio positum Paradisi nobile lignum,
Ex quo tota hominis vita pependit, Aue.
Contrito referens Mulier serpente trophæa,
Gen. 3. Quæ reparas Euxæ damna Parentis, Aue.
Arca Noë fabricata manu, magnoque labore,
Gen. 6. Diluvij fluctus quæ superavit, Aue.
Pulchra serenatis radians in nubibus Iris,
Gen. 9. Vt color hic signum fœderis esset, Aue.
Scala Iacob, gradibus cuius descendere cœlo
Gen. 28. Angelici cœtus agmina vidit, Aue.
Fiscina flumineo Moïsen in littore servans,
Exod. 2. Fluctibus in prædam ne raperetur, Aue.
O Rube qui medio quamvis videaris in igne,
Exod. 3. Attamen es flammis inuolutus, Aue.
Isacidas ducens refluentes virga per undas,
Exod. 14. Cum submersa fuit gens Pharaonis, Aue.

Pater noster.

- G**loria quâ Domini fuit omnibus agnita nubes,
Exod. 16. Eius cum populum Manna cibavit, Aue.

Au-

Aurea Mensa, super quam fœderis Arca quieuit,	
Ex ligno Sethim facta decenter, Aue.	<i>Exod. 25.</i>
Efformata Dei digito sculpende tabella,	
Quâ legis Moles dogma recepit, Aue.	<i>Exod. 26.</i>
Sicca prius, post fructificans, & Amygdala gignens,	
Aaron Pontificis virga senilis, Aue.	<i>Num. 17.</i>
Sustentans valido serpentem robore furca,	
Cuius in aspectu mors fugiebat, Aue.	<i>Num. 21.</i>
Stella Iacob, & Virga Duces quæ strage cruentâ	
Moab percussit, Seth quoque vicit, Aue.	<i>Num. 24.</i>
O robur clypei, Iosue quem misit in Hâi,	
Iericho & euertens mœnia clamor, Aue.	<i>Iosue 8. 6.</i>
Armigeri vellus Gedeonis rore liquefcens,	
Expers & liquidi postea roris, Aue.	<i>Iud. 6.</i>
Qui mixtus cineri panis per somnia visus	
Euertit Madian castra furentis, Aue.	<i>Iud. 7.</i>
Dextera Sampsonis discerpens ora Leonis,	
Cui fuit occiso copia mellis, Aue.	<i>Iud. 14.</i>

Pater noster.

B ezeleëlis opus sanctissima fœderis Arca,	
Quâ Deus est Dagon factus inanis, Aue.	<i>1. Reg. 5.</i>
Arca Philistæas potuit quæ vincere turmas,	
Non secus atque manu tela vibrasset, Aue.	<i>Ibid.</i>
Funda Gygantum saxo feriente lacertos	
Quâ David Goliath stamina fregit, Aue.	<i>1. Reg. 17.</i>
Prompta labore trium Bethlemica lympha virorû,	
Rex David sitiens vt reueletur, Aue.	<i>2. Reg. 23.</i>

B 2

Lym-

- Ibid.* Lympha tamen primis non degustata labellis,
Sed libata Deo, munus vt esset, Aue.
Frigida præ senio Regis quæ membra calore
3. Reg. 1. Virgo foues Abiæ & Sunamitis, Aue.
Inclyta Bertiabæ Salomonis digna sedili,
3. Reg. 2. Eius quæ lateri proxima sedet, Aue.
Marinore, Chrysolitho, gemmis auroq; decorum
3. Reg. 6. Templum quod ioboles regia struxit, Aue.
Iesse virga ferax CHRISTI nascentis origo,
Esaia 11. Vltima nec nostræ causa salutis, Aue.
Numinis effigiem speculum in te labe remittens,
Sap. 7. Candor ab æternæ fidere lucis, Aue.

Pater noster.

- 3. Reg. 10.* IERUSALEM veniens magnâ comitante catervâ
O Regina Siba, hos Orientis, Aue.
Munera magna ferens quæis gratior atria poscit
Ibid. Ingrediens, vultus ce nere Regis, Aue.
Admirata etiam sapientis verba Monarchæ
Ibid. Doctrinâ reliquos qui superabat, Aue.
Ampla domus Domini, Salomonis eburnea sedes
2. Paral. 9. Pulchra quidem visu, pulchrior intus, Aue.
Attiagis sobolis genitrix bene cognita Cyri,
1. Esa. 1. Templum Ierusalem qui reparauit, Aue.
Magnanimæ Iudith Holopherné dextera truncans
Iudith 13. Nos velut illa tuos vt tuearis, Aue.
Vnica quæ reliquis placuisti pulchrior Ester,
Ester 15. Et merita es sceptrum tangere Regis, Aue.

Gloria Ierusalem, simplex sine felle columba,

Pulchra genis, pectus turturis instar, Aue.

Cant. 1.

Nigra quidem, torniola tamen, vultuque decora,

Quam facer in terris Sponsus amavit, Aue.

Ibid.

Falciculum Myrrhæ Virgo super vbera portans,

Cui vestes redolent munera thuris, Aue.

Ibid.

Pater noster.

Hinnule cernorum super alta cacumina Bethel,

Caprea semper anas culmina montis, Aue. *Cant. 12*

Lectule, quem vigilans miles custodit in armis,

Ne sponte noceat perfidus hostis, Aue.

Cant. 3.

Horte virens herbis, varijs & floribus halans,

Quem munita seris ianua claudit, Aue.

Cant. 4.

Ingiter & valido fons obsignate sigillo,

Quo viventis aquæ defluit humor, Aue.

Ibid.

Distillantque fauum labijs qui melle redundat,

Cuius inest linguæ copia lactis, Aue.

Ibid.

Cuius & ornato stillant unguenta capillo,

Totaque Nectari plena liquoris, Aue.

Ibid.

Cui caput est aurum, cui ex marmore crura colunæ,

Nec non triticeus venter accruus, Aue.

Cant. 5.

Cui collum erigitur veluti Dauidica turris,

Cuius fixa tholis arma videntur, Aue.

Cant. 4.

Purpureis enecta rotis Aurora cornicans,

Quæ graderis CHRISTI nuntia solis, Aue.

Cant. 6.

Angelicis lociata choris super æthera scandens

Fœmina diuinæ conscia mentis, Aue.

Ibid.

Pater noster.

- Isap. 17.* **O**Mnibus ad votum cōponens Manna saporem,
Ex quo qui comedit non morietur, Aue.
Cedre ferens Libani fructus in vertice montis,
Ecc. 24. Et quavis Platano celiior Arbor, Aue.
Frondis Oliua tuæ quæ nunquam perdis honores,
ibid. Vtpotè quos fuerit carpere crimen, Aue.
Pondere pressa graui quæ in Cades palma resurgis
ibid. Extendens ramos vt Terebinthus, Aue.
Vinea virtutum grauidis onerata racemis,
ibid. Quam Deus ætherco fonte rigauit, Aue.
Alma spei Genitrix, sanctique Magistra timoris,
ibid. Et pia diuini Mater amoris, Aue.
Infirmos homines Piscina probatica sanans,
ioan. 5. Protinus vt lymphas mouerit ales, Aue.
Fœmina parturiens & lumine Solis amicta,
apocal. 12. Sub cuius pedibus Luna recumbit, Aue.
Cuius & eximiâ duodenus luce corusca
ibid. Stellarum numerus tempora cingit, Aue.
Vt finem faciam, Virgo salueto MARIA :
Laudibus hoc cunctis nomine maior, Aue.

O B L A T I O.

- Accipe Virgo Dei Genitricis nomine digna
Quod tibi noster amor carmine prouipit Aue.
Atque soles, grato mea suscipe munera vultu,
Sint licet hæc tantum verba salutis Aue.
In xiguo, fateor, sunt carmina digna fauor
Nec satis ampla refert munia laudis Aue.
Ma-

Magna tamen pietas, totum quâ respicis orbe *A.*
 Grata precor faciat dona ferentis *Aue.*
 Angelus æthereâ Gabriël demissus ab aul *A.*
 Vt quondam placuit cùm tibi dixit *Aue;*
 Remigio parili mea, quâso, verba ferantu *A.*
 Sic nostrum placeat quod tibi fertur *Aue.*
 Insuper hæc summo sint pignora grata Parent *A.*
 Acceptumque habeat Filius istud *Aue.*
 Et ubi Virgo Parens, ex hac discessero vit *A.*
 In cœlis merear dicere semper *Aue.*

*Hoc Rosarium appensum est ante sta-
 tuam Diuæ Virginis in Monasterio Affli-
 geniensi D. Bernardum resalutantis,
 prodigio celebrem.*





DE
SANCTISSIMA
DEIPARA VIRGINE
M A R I A
AVGVSTISSIMA CÆLORVM
REGINA

*Anagrammata quedam ejusdem
Authoris.*

Virgo Maria.
A N A G R A M M A.
Mira Virago.

SI qua fuit veteri sub lege reperta Virago,
Musarum lyrico pectine digna coli;
Nulla fuit CHRISTI genitrice potentior vnquam,
Nec data nobilior que celebranda foret.
Namq; Heroïnas superat virtutibus omnes,
Seu spectes animi robora, siue fidem.
Dicta Virago fuit, multisq; ornata triumphis,
Quæ caput Assyrio sustulit ense Duci.
Debbora consimili est titulo decorata, Iahélque,
Dum clauo Sisara tempora fixit humi.

*At Phlegetonthei calcans fera colla Draconis,
Est melius Virgo Mira Virago Parens.
Quid reliquas memorem, quas pagina sacra recenset;
Mira Virago quibus Virgo MARIA prae?
Nil habet Abigail, nil Esther, nilq; Susanna,
Quod par sit meritis Virgo MARIA tuis.*

Sancta Virgo Maria.

A N A G R A M M A.

Rogata vincis arma.

O *Diva, caeli qua colis atria,
Regina Mundi, Virgoque Virginum,
Mater Tonantis, Christiani
Præcipuum generis leuamen;
Atrocioris Diva potentior
Tandem furores comprime Palladis:
Rogata Virgo vincis arma,
Atque minas superas Gradii.
Serna cruentis obvia spiculis
Virgo tucrum pectora, & hostium
Vires retunde, concupitam
Redde, precor, populo quietem.
Rogata pacis redde potentibus
Secura Belgis otia, Gallici
Furore Martis concitata
Nulla magis videantur arma.*

C s

Pa-

Parëns Maria.

ANAGRAMMA

Ima reparans.

Infelix Phæton, currus auriga Paterni,
Deuius ignoti laxis dum cœpit habenis
Currere regna poti, nimio pars vsta calore,
Vrbibus & lucis syluisq; flagrantibus igne
Dicitur esse soli. Factam reparare ruinam
Iupiter at cupiens, cœli delapsus ab arce
Ima citò gressu petijt, primumq; per arua
Errans Arcadiæ, reparauit quidquid ab igne
Consumptum fuerat. Veteres pigmenta Poetæ
Talia dum faciunt, nobis quæ vera canamus,
Argumenta ferunt, Mundi reparasse ruinam
Ima petens meritò nonne est dicenda MARIA?
Cuius Virgineâ Christus dum prodijt aluo,
Ipsa Parens primi reparauit damna Parentis.

Sancta Maria Mater Dei.

ANAGRAMMA

Adamas in terra emicat.

Non magè Beryllos, flammis similèsque Pyropos
Admirans stupro, quas vehit Inaus, es.
Iam mihi vilescit Supphirus, lassis, Achates,
Et sordet Parus, Chrysolitusque lapis.
Enne ecce Adamas in terra Virgo MARIA;
Sufficit illa animo gemma reperta meo,

Virgo.

Virgo Dei Mater.

A N A G R A M M A.

Tu amore dirige.

V irginæ laus prima chori, Matérque	T onantis,
I mpia qua domina Phlegetontis turba	T veretur,
R ectricemq; vocant patria celestis	A lumni,
G loria Ierusalem, Mundi Regina	A RIA,
O mnia, ius cedente Deo, quæ continet	M orbis,
D irigis, & meritò mundus tibi tradita	O regna
E t tua sceptra colit. Quinvis ut ment	R ederenâ
I mpério parens cupiat se subdere,	E iuo
M ater amore regas. Est optima norma	D ubendi,
A d se corda hominum vero compelle	I e amore.
T e pia Virgo precor, tali me dir	R ige normâ,
E t quæ necit amor, me fortia vincla	I ubernent,
R egna quibus merear post mortem scâd	E re cæli.

Sancta Maria Mater Dei.

A N A G R A M M A.

Castâ anima mirè ardet.

Castæ animæ quàm castus amor, quàm mirus & ar.
 Non sentit Scythicas Bysioniasq; nives. (dor!
 Sancta Dei Mater castâ dum mente refulget,
 Penè suo nimium soluitur igne flammans.

San-

Sancta Maria Dei genitrix.
ANAGRAMMA.
Regina existit ac miranda.

O Nusta gemmis, queis diademata
Sordent capillos, fama potentiam
Quid Principum tantum laboras
Aonijs celebrare plebs?
Vtrumne maior nulla potentia
Regum coronis est tibi cognita?
Digni MAR'Æ num potestas
Maior habet titulos honoris?
Hæc Virgo in omnes imperium obtinet
Regina mundi: nota fauoribus
Miranda regnat, subditorum
Usquè animos bonitate flectens.
Est maior Esther; Bersabea inlytos
Miranda fasces hæc superat, Dei
Regina Mater, totus Orbis
Quam meritò dominam veretur.
Maiores dicam: Tanta potentia
Extat MARIÆ, siderea domus
Supremus ut rector Parentis
Imperio sua sceptrâ subdat.

Mater Iesu.
ANAGRAMMA.
Tu mea eris.

Diceris, & meritò, Virgo tu Mater IESV;
 Sed mea, si lubeat, tu quoque Mater eris.
 Tu mea Mater eris, cupio dum filius esse,
 Dum q̃ pia obsequium reddere mente volo.
 Tu mea Mater eris, pro qua nil ferre recuso:
 Mors mihi dulcis erit, dum mea Mater eris.

Mater Iesu.

A N A G R A M M A.

Es vti Mare.

Stella **MARIA** maris non tantùm cerneris esse,
 sed magis es veluti tupa Virgo Mare.
 Vt Mare fundit aquas, celi sic munera præbes:
 Est etenim meriti gratia tanta tui.

Virgo Mater Iesu.

A N A G R A M M A.

Ver viget amoris.

V	er ubi perpetuum Zephyro perflante	V	irorem
I	nduit, roseum flora linquent	E	cubile,
R	idet ager, vestitur humus, producit u	R	heroa,
G	emma tunc vitis, decoratur frondib	V	s arbor.
O	mma tunc florèt, capunt tunc cuncta v	I	rorem.
M	ellis apes grauide fragrantia d. na	G	erentes
A	era peruolitant, implent vel nectar	E	cellas,
T	ale Dei Matris tempus Ver gigni	T	amoris.
E	xornant animi virtutum lili	A	campum,
R	ecreat hunc q̃ suo diuinam Pneu	M	aslabello.
I	llic Assirium pietas emittit	O	dorem,
E	ducitque suos leto cum germine f	R	uctus.
S	ic viget, & veri similis mens Virgin	I	s extat;
V	ernat au. ore Dei, nec non manet usq̃	S	crena.

San-

Sancta virgo Maria Mater Iesu.

A N A G R A M M A.

Etiam micans ea surgit aurora.

Vndis priusquam luce perfecti micans,
Radijs coruscum Cynthia tollit caput,
Equosque Diva Nectaris pastos dape,
Ignem vomentes naribus, plaustris liget,
Solitoque cursu deuehat terris diem,
Euecta croceis Memnonis Mater rotis,
Varijs polorum floribus plenas fores
Aurora pandens, obuios cæli mouet
Venusta gressus; eius aduentu nigra
Fugiente nocte Phosphorus stellas leui
Fugat flagello. Redditur terris iubar,
Luménque maius. Tota tunc leui madet
Tellus pruina, Quilibet somnum excutit,
Suamq, promptus lucis ad primum iubar
Aggreditur artem. Cuncta recreantur, suos
Vt vecta bigis exerit vultus Eos.
Sic ante Solis quam vices CHRISTVS gerens
Dominator Orbis, patrio lapsus sinu
Suas per omnem spargeret mundum faces,
Aurora veluti capit ut vitæ frui
MARIA cæli fulgidas pandens fores
Terris refulsit, tetra tunc cessit nouo
Imago noctis lumini; subito procul
Fugere tenebre, quidquid & primus Parens
Inuexit Orbi sceleris, hæc fugit retrò
Veniente luce, mensusque diuino fuit

Sic

*Sic madida rore, fuerit ut statim ferax
Virtutis actus Verna non surgens Eos
Tam grata proferi tempora, ut fuit dies
Qua Virgo Nati preuia ad lucem micans
Aurora toti contulit mundo inbar.*



N

E

S

ce

In

A.

Ca

Ap

